

Z A P I S N I K
SA SASTANKA MODELARSKE KOMISIJE
ODRŽANOG U VISOKOM 29.11.2011.

Prisutni:

1. Mirsad Kapetanović – AK “Izet Kurtalić” Visoko
2. Jurica Kolobarić – AK Mostar
3. Alen Halak – AK “Kрила Sarajeva” Sarajevo
4. Kukić Vjenčeslav – AK Sarajevo
5. Rade Mazalica – AK Prijedor
6. Čičak Faik – AK Zenica

NAPOMENA: U radu Modelarske Komisije ravnopravno učestvuje po jedan delegat iz svakog aerokluba koji je član entitetskog saveza i koji nastupa na modelarskim takmičenjima u juniorskoj ili seniorskoj konkurenciji. Sastanci MK su otvoreni za sve zainteresirane pojedince i aeroklube, tako da je uobičajena praksa da se sastanci Modelarske Komisije održavaju u proširenom sastavu uz prisustvo svih zainteresiranih modelara.

Ostali prisutni:

7. Sabahudin Hebib – AK Mostar
8. Željko Marić – AK Mostar
9. Nedeljko Zelić – AK Mostar
10. Limo Sabrija – Emir Hajdarević – AK “Izet Kurtalić” Visoko
11. Edin Šahinović – AK “Izet Kurtalić” Visoko
12. Muharem Njegović – AK “Izet Kurtalić” Visoko
13. Emir Hajdarević – AK “Izet Kurtalić” Visoko
14. Irhad Hadžimehmedagić – AK “Izet Kurtalić” Visoko
15. Ferid Zilić – AK Zenica

Sastanak je održan u prostorijama Aerokluba „Izet Kurtalić” Visoko, Gornje Rosulje br. 3. Sastanak je počeo u 11,00 sati.

Sastankom modelarske komisije predsjedavao je Mirsad Kapetanović koji je pozdravio prisutne kolege izražavajući zadovoljstvo što se sastanak održava u Aeroklubu „Izet Kurtalić” Visoko.

Jednoglasno je usvojen sljedeći:

DNEVNI RED:

1. Analiza rada i realizacija programa u 2011. godini
2. Plan rada i kalendar natjecanja u 2012. godini
3. Prijave FAI World Cup natjecanja za 2012. godinu
4. a) Rang liste kandidata za seniorsku i juniorsku Reprerentaciju aeromodelara BiH u klasama F1 A,B,C na bazi rezultata postignutih u 2011. godini
b) izbor članova reprezentacija

Ad. 1: Analiza rada i realizacija programa u 2011. godini

O aktivnostima aeromodelara u 2010. godini prisutne je ukratko izvijestio predsjednik Modelarske Komisije Mirsad Kapetanović. On je istakao da je u prošloj godini u cjelosti realiziran plan domaćih takmičenja kako slijedi.

- 1.) „**2. Federalno prvenstvo sobnih modela BiH 2011**“ održano 12.03.2011. godine u Visokom; organizator AK "Izet Kurtalić" Visoko; D1 seniori i juniori.
- 2.) „**Državno prvenstvo sobnih modela BiH 2011**“ držano 26.03.2011. godine u Zenici; organizator AK Zenica; D1 seniori i juniori.
- 3.) „**Proletni kup 2011**“ održan 23.04.2011. godine na Mostarskom Blatu u Mostaru; organizator AK Mostar; F1A, F1B, F1C, F1H seniori, A1 juniori.
- 4.) „**2. Federalno prvenstvo aeromodelara BiH 2011**“ držano 17.09.2011. godine na sportskom letilištu „Kenan Jusufbašić“ u Visokom; organizator AK Zenica; A1 juniori.
- 5.) „**2. Federalno prvenstvo aeromodelara BiH 2011**“ držano 02.07.2011. godine na Mostarskom Blatu u Mostaru; organizator AK Mostar; F1A, F1B, F1C, F1H seniori.
- 6.) „**2. Kup Mustafa Hadžović**“ držano 02.07.2011. godine na Mostarskom Blatu u Mostaru; organizator AK Mostar; F1A, F1H seniori, A1 juniori.
- 7.) „**55. Državno prvenstvo aeromodelara BiH 2011**“ održano 29.-30.07.2011. godine na Medenom Polju u Bosanskom Petrovcu; organizator AK "Izet Kurtalić" Visoko; F1A, F1B, F1C, F1H seniori, A1 juniori.
- 8.) „**FAI World Cup – 2011 Memorijal Izet Kurtalić**“ održan 29.-30.07.2011. godine na Medenom Polju u Bosanskom Petrovcu; organizator AK "Izet Kurtalić" Visoko; F1A, F1B (seniori i juniori) i F1C (seniori).
- 9.) „**FAI World Cup – 47. Mostar Cup**“; Mostar 13.-14.08.2011.g.; ZK Mostar; F1A, F1B (seniori i juniori) i F1C (seniori).

Kroz izvještaj je izražena zahvalnost i odati zasluženje priznanje organizatorima svih domaćih takmičenja u BiH. Pozvani su i ostali aeroklubovi da se kandiduju za organiziranje domaćih takmičenja. To se posebno odnosi na aeroklubove iz Republike Srpske.

Planirani nastup seniorske reprezentacija na dva velika takmičenja:

- 1.) „**2011 FAI World Championships for Free Flight Model Aircraft**“; Embalse (Argentina) 02.-09.05.2011.g.; Argentina; F1A, F1B, F1C seniori.
- 2.) „**2011 FAI Junior European Championships for Free Flight Model Aircraft**“; Sentjernej, Novo Mesto (Slovenija) 10.-17.07.2011.g.; Slovenija; F1A, F1B, F1P juniori.

sveo se na simbolično učešće samo jednog takmičara na SP u Argentini (Adi Ramadanović iz AK Mostar, F1A) za kojeg je troškove snosio Visoki Predstavnik za BiH gospodin Valentin Inzko i posmatranje EP u Sloveniji na koje su privatnim sredstvima otputovala dva takmičara (Muhamed Šahinović F1A i Haris Jusufbašić F1B iz AK "Izet Kurtalić" Visoko) u pratnji roditelja Mustafe Šahinovića, ali im organizator nije dozvolio nastup zbog zakašnjele prijave. Ovo je bio veoma neuobičajen gest koji su osudili mnogi sudionici EP u Sloveniji i koji se može pridodati ostalim brojnim organizacionim propustima i veoma lošem terenu, zbog

čega se očekuje da će FAI organizaciju SP 2012 (koje je planirano u Sloveniji na istom terenu) dodijeliti nekoj drugoj državi.

Nastupe reprezentacije aeromodelara Bosne i Hercegovine na velikim međunarodnim takmičenjima i dalje prati problem teške finansijske situacije. VS BiH nije obezbijedio bilo kakva sredstva za ovu svrhu, uključujući čak i članarinu FAI za 2011. Tako su svi troškovi pali na teret reprezentativaca, selektora i/ili aeroklubova iz kojih dolaze. Nažalost, ne može se očekivati bitno poboljšanje finansijske situacije ni u 2012. godini.

Tokom 2011. godine sljedeći aeroklubovi su imali nastupe na modelarskim takmičenjima:

1. Aeroklub "ULL", Banjaluka – Laktaši
2. Aeromodelarski klub "Galeb", Banjaluka
3. Aero klub "Prijeđor", Prijeđor
4. Aeroklub „Sarajevo“, Sarajevo
5. Aeroklub „Kрила Sarajeva“, Sarajevo
6. Aeroklub “Mostar“, Mostar
7. Aeroklub „Zenica“, Zenica
8. Aeroklub „Izet Kurtalić“, Visoko
9. Aeroklub „Bihać“, Bihać

Pored nastupa na domaćim takmičenjima, takmičari iz Bosne i Hercegovine nastupili su na sljedećim takmičenjima u inostranstvu: CRO Kup (Hrvatska), Varos Jenó Kup (Mađarska), Mura kup (Slovenija), Siscia kup (Hrvatska), Srem Kup (Srbija), Bulgaria Cup (Bugarska) i Krka kup (Slovenija).

Sveukupno gledajući, a posebno imajući u vidu svjetsku recesiju i ekonomsku krizu koja traje već tri godine u BiH, možemo biti zadovoljni realizacijom plana u 2011. godini.

Podneseni izvještaj je jednoglasno prihvaćen.

Ad. 2: Plan rada i kalendar natjecanja u 2012. godini

Na osnovu kandidatura upućenih emailom, prethodno obavljenih konsultacija telefonom Predsjednika Modelarske komisije sa potencijalnim organizatorima, izjašnjavanja aeroklubova organizatora pojedinih takmičenja na sastanku, kao i FAI kalendara, sačinjen je sljedeći kalendar takmičenja za 2011. godinu.

	Takmičenje	Klasa	Organizator	Mjesto	Termin
1	Federalno prvenstvo FBiH u sobnim modelima	D1	AK „Izet Kurtalić“ Visoko	Visoko	10.03.2012
2	Kup grada Zenice	D1	AK "Zenica"	Zenica	24.03.2012
3	Državno prvenstvo BiH u sobnim modelima	D1	AK "Zenica"	Zenica	24.03.2012
4	Proletni kup	F1 ABCH	AK Mostar	Mostarsko Blato	29.04.2012.

5	Državno prvenstvo BiH (vidi napomenu ispod tabele)	F1 ABCH	AK Mostar	Livanjsko polje	18.-19.07.2012.
6	48th Mostar Kup (World Cup Event)	F1 ABC	AK Mostar	Mostarsko Blato	21.07 (F1A) 22.07 (F1 BC) 2012
7	2012 FAI Junior World Championships for Free Flight Model Aircraft	F1 ABP	NAC Slovenia	(Location to be advised) Slovenia	28.07 to 05.08.2012
8	2012 FAI European Championships for Free Flight Model Aircraft	F1 ABC	NAC Italia	Capannori (Lucca) Italy	04.08 to 12.08.2012
9	2012 Memorijal Izet Kurtalić (World Cup Event)	F1 ABC	AK „Izet Kurtalić“ Visoko	Bosanski Petrovac	25.08. (F1 BC) 26.08. (F1 A) 2012
10	Federalno prvenstvo FBiH	F1 ABCH	AK Mostar	Mostarsko Blato	Septembar 2012..
11	Kup Mustafe Hadžović	F1 AH, A1	AK Mostar	Mostarsko Blato	Septembar 2012..
12	Federalno prvenstvo FBiH	A1	AK "Zenica	Letilište „Kenan Jusufbašić“ Visoko	Septembar 2012.
13	Državno prvenstvo BiH	A1	AK „Kрила Sarajeva“	Letilište „Kenan Jusufbašić“ Visoko	Oktobar 2012.
14	Otvoreno prvenstvo RS u sobnim modelima	D1	MK „Galeb“ Banja Luka	Banja Luka	Oktobar 2012.

(*) Napomena:

AK Mostar prihvatio je organizaciju Državnog prvenstva BiH 2012 u klasama F1 ABCH na Livanjskom polju u Livnu pod uslovom da VS BiH obezbijedi finansijsku podršku za ovu svrhu u minimalnom iznosu od 2000 KM . U protivnom je prihvatio organizirati Državno prvenstva BiH 2012 u klasama F1 ABCH na Mostarskom Blatu u Mostaru u okviru Proljetnog kupa. Obzirom da nije bilo drugih kandidatura za organizaciju Državnog prvenstva BiH 2012 u klasama F1 ABCH, Modelarska Komisija nije donijela konačnu odluku, tako da poziv za ovu kandidaturu ostaje i dalje otvoren za sve zainteresirane aeroklubove u BiH.

Tokom sastanka AK Mostar je usmeno obavijestio Modelarsku komisiju da su donijeli odluku da istaknu kandidaturu za organizaciju Evropskog i Svjetskog prvenstva u klasama F1 ABC u prvom narednom slobodnom terminu. Takođe su zainteresirani i za organizaciju juniorskog svjetskog prvenstva već 2012. godine u slučaju da Slovenija otkáže organizaciju.

Modelarska komisija je pozdravila ovu inicijativu i zadužila:

- 1) AK Mostar da odmah uputi pismeni zahtjev Vazduhoplovnom savezu BiH uz pismeno obrazloženje i da u što je moguće kraćem roku pripremi što

kvalitetniju elektronsku (Power Point) prezentaciju motivacije za kandidaturu, prezentaciju AK Mostar, Mostarskog Blata i grada Mostara koja bi se koristila u svrhu blagovremene promocije i lobiranja kod članica FAI, njihovih delegata u CIAM-u, kao i kod drugih uticajnih pojedinaca i klubova u Evropi i svijetu.

- 2) Predsjednika Modelarske komisije da, nakon zvaničnog pismenog zahtjeva, kao Potpredsjednik VS BiH za aeromodelarstvo, član UO VS BiH i delegat u CIAM-u, u saradnji sa AK Mostar poduzme sve potrebne aktivnosti kako bi VS BiH podržao inicijativu, a FAI prihvatio kandidaturu.

Ad 3: Prijave FAI World Cup natjecanja za 2012. godinu

AK Mostar i AK „Izet Kurtalić“ Visoko su kandidovale „48. Mostar Kup“ (Mostar) i „2012 Memorijal Izet Kurtalić“ (Bosanski Petrovac) kao natjecanja u BiH koje će se bodovati za FAI Svjetski kup (FAI World Cup). Modelarska komisija je prihvatila ovaj prijedlog i zadužila Predsjednika Komisije da preko VS BiH izvrši blagovremenu prijavu (najkasnije do 15.11.2011. godine). Odgovarajuće takse u iznosu od po 70 EUR po natjecanju izvršice direktno aeroklubovi oraganizatori.

Ad 4: a) Rang liste kandidata za seniorsku i juniorsku Reprzentaciju aeromodelara BiH u klasama F1 A,B,C na bazi rezultata postignutih u 2011. godini

Na osnovu rezultata postignutih u 2011. godini napravljena je rang lista kandidata za seniorsku reprezentaciju BiH po kategorijama F1 A, B i C koja će nastupiti na Evropskom prvenstvu u Italiji od 04.08. do 12.08.2012. godine. Takođe je napravljena i lista kandidata za juniorsku reprezentaciju BiH koja treba nastupiti na Svjetskom prvenstvu u Sloveniji od 28.07. do 04.08.2012. godine. Tabela prikaz svih rezultata na osnovu kojih su napravljene rang liste podijeljen je prisutnim delegatima. Rang liste su napravljene uz strogu primjenu ranije definisanih kriterija koje je usvojila Modelarska komisija.

Predsjednik komisije je ukazao na neželjenu pojavu koju je uočio tokom izrade prijedloga rang liste za 2011. godinu. Naime, uočio je da se u rezultatima sa nekoliko takmičenja u inostranstvu koja se boduju za svjetski kup pojavljuju imena nekih takmičara iz BiH kao da su nastupili u klasama kojima se inače uopšte ne bave. Ti nastupi su motivirani povećanjem broja takmičara kako bi se neopravdano povećao rejting tim takmičenjima, a što je ustvari nesportski gest koji je u suprotnosti sa FAI pravilima. Predsjednik Modelarske komisije je obavijestio prisutne da te rezultate nije uvrstio u tabelu jer bi mogli uticati na poredak takmičara na rang listi u pojedinim disciplinama, posebno u klasi F1C gdje imamo trenutno najmanji broj aktivnih takmičara. Kako bi se ubuduće izbjegla potreba da se o ovome vodi računa kod izrade rang lista, Predsjednik Modelarske komisije je predložio, a Modelarska komisija jednoglasno prihvatila da se ubuduće za izbor članova seniorske i juniorske reprezentacije uvede sljedeći novi kriterij: „Kod izrade rang lista neće se uzimati u obzir rezultati ispod 30% maksimalnog broja bodova“.

Nakon ove odluke i nekoliko sitnih korekcija koje nisu uticale na poredak, rang liste su jednoglasno usvojene.

Ad 4: b) izbor članova reprezentacija

Na osnovu usvojene rang liste za seniore određeni su sljedeći članovi seniorske Reprezentacije BiH:

F1 A

1. Sabrija Limo	(Visoko)	1250	+ 1250 + 1260 = 3765
2. Edin Šahinović	(Visoko)	1161	+ 1260 + 1231 = 3751
3. Adin Ramadanović	(Mostar)	1190	+ 1260 + 1215 = 3665
5. Robert Bjelajac (rezerva)	(Galeb BL)	1153	+ 1260 + 1111 = 3524
4. Željko Marić (rezerva)	(Mostar)	1260	+ 1219 + 0 = 2479

F1 B

1. Malik Čabaravdić	(Visoko)	1254	+ 1259 + 1232 = 3745
3. Soniboj Sabo	(Mostar)	1231	+ 1229 + 1260 = 3721
2. Mirsad Kapetanović	(Visoko)	1244	+ 1196 + 1260 = 3700
4. Haris Jusufbašić (rezerva)	(Visoko)	1193	+ 1182 + 1260 = 3635
5. Emir Hajdarević (rezerva)	(Visoko)	1128	+ 1161 + 1177 = 3466

F1 C

1. Tarik Jusufbašić	(Visoko)	1203	+ 0 + 0 = 1203
2. Rade Mazalica	(Prijeđor)	1135	+ 0 + 0 = 1135
3. Edin Šahinović	(Visoko)	0	+ 0 + 0 = 0
4. Mustafa Šahinović (rezerva)	(Visoko)	0	+ 0 + 0 = 0

Na osnovu usvojene rang liste za juniore određeni su sljedeći članovi juniorske Reprezentacije BiH:

F1 A

1. Miljan Borković	(ULL-BL)	1260	+ 0 + 0 = 1260
2. Marko Kremić	(ULL-BL)	1236	+ 0 + 0 = 1236
3. Sara Budimčić	(ULL-BL)	0	+ 0 + 0 = 0
4. Muhamed Šahinović (rezerva)	(Visoko)	0	+ 0 + 0 = 0
4. Endi Čehić (rezerva)	(Bihać)	0	+ 0 + 0 = 0

F1 B

1. Haris Jusufbašić	(Visoko)	1193	+ 1182 + 1260 = 3635
2. Mihovil Ćorić	(Mostar)	0	+ 0 + 0 = 0
3. Bakir Limo	(Visoko)	0	+ 0 + 0 = 0

Prema ranijoj odluci Modelarske Komisije selektor seniorske Reprezentacije BiH je Mirsad Kapetanović (AK „Izet Kurtalić” Visoko), a selektor juniorske Reprezentacije BiH je Sabahudin Hebib (AK Mostar), sa mandatima od po 4 godine.


Tokom rasprave je posebno istaknut problem teške finansijske situacije i finansiranja nastupa reprezentacija, koji je u 2011. godine biti još izraženiji jer se u BiH, uz produžavanje svjetske ekonomske krize, pojavila i politička kriza koja je indirektno uticala na to da VS BiH nije imao prihoda u 2011. godini!

Nažalost, ni u idućoj godini se ne vidi bitnije poboljšanje, tako da preostaje jedina realna mogućnost (kao i u prethodne dvije godine) da reprezentativci i/ili klubovi iz kojih potiču, sami obezbjeđuju sredstva za nastup u reprezentaciji. zbog toga, u slučaju da se sredstva ne obezbijede blagovremeno, selektor je imao pravo imenovati

rezervnog člana koji ima obezbijedena finansijska sredstva. Prinudeni smo ovaj princip i dalje zadržati.

Sastanak Modelarske komisije je završen u 14,30 sati. Nakon sastanka je Predsjednik Modelarske komisije, ispred AK „Izet Kurtalić” Visoko, pozvao sve učesnike na zajednički ručak, gdje se prijatno druženje nastavilo do kasno poslije podne.

Predsjednik Modelarske komisije



Prof.dr Mirsad Kapetanović